

CONCELLO DE BOIRO

BASES DE EXECUCIÓN DO ORZAMENTO 2023

(...)

Titulo X. TRANSFERENCIAS E SUBVENCÍONS CONCEDIDAS.

BASE 45. Ámbito de aplicación, finalidades, xustificación das subvencíons.

1. LEXISLACIÓN APLICABLE.

O procedemento e réxime de concesión de subvencíons atenderán ás normas incluídas nas bases específicas de cada convocatoria e liña de subvencíons. Para o non previsto nas convocatorias específicas seranlle de aplicación as normas incluídas nesta Base de Execución do Orzamento, na Lei Xeral de Subvencíons, no seu regulamento, na Lei subvencíons de Galicia e na Ordenanza Xeral de Subvencíons do Concello de Boiro que foi publicada no BOP nº 123 de 1 de xuño de 2005.

As devanditas normas serán de aplicación a toda clase de axudas e subvencíons onde a súa xestión corresponda na súa totalidade a este Concello.

2. DEFINICIÓN DE TRANSFERENCIA E DE SUBVENCIÓN.

Entenderase por transferencia aquel gasto realizado sen contrapartida directa dos axentes perceptores e polo tanto comprende tanto as propias subvencíons, como os premios, bolsas, prestacións de natureza social, etc.

Entenderase por subvención toda disposición dineraria con cargo aos fondos municipais contemplados no Orzamento Xeral do Concello de Boiro, a favor de persoas públicas ou privadas e que cumpran os seguintes requisitos:

- Que a entrega se realice sen contraprestación directa dos beneficiarios.
- Que a entrega estea suxeita ao cumprimento dun determinado obxectivo, a execución dun proxecto, a realización dunha actividade, a adopción dun comportamento singular, xa realizados ou por desenvolver, ou a concorrencia dunha situación, debendo o beneficiario cumprir as obrigas materiais e formais que se tiveran establecido.

- Que o proxecto, a acción, conduta ou situación financiada teña por obxecto o fomento dunha actividade de utilidade pública ou interese social ou de promoción dunha finalidade pública.

3. REQUISITOS PARA O OUTOGAMENTO DE SUBVENCÍONS.

Para o outorgamento das subvencións o ente perceptor deberá:

- a. Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.
- b. Xustificar ante o órgano do Concello de Boiro que concede a subvención, o cumprimento dos requisitos e condicións, así como a realización da actividade e o cumprimento da finalidade que determinen a concesión ou disfrute da subvención.

Coma mínimo deberase:

- Presentar declaración da realización da actividade ou proxecto subvencionado
- Presentar conta xustificativa de ingreso e gastos.
- *Xustificar a aplicación dos fondos* que se van a recibir, mediante a presentación de facturas orixinais do gasto ou de fotocopias debidamente compulsadas. Na factura deberá constar o selo ou estampillado da porcentaxe de aplicación aplicable á subvención en cuestión.
- Acreditar o *pagamento das facturas* mediante transferencia bancaria, nos supostos nos que legalmente se esixa.

No caso de premios en metálico ou en vales deberá xustificarse co recibí polo perceptor dos fondos e o xustificante bancario da retirada dos cartos pola entidade concedente. Así mesmo, esixirase a achega das bases reguladoras dos premios e a acta do xurado que os concedera.

Se as bases ou o acordo de concesión nas nominativas o establecera, poderase admitir o pago delegado (pago aos provedores en vez do beneficiario da subvención). En todo caso, o interesado deberá indicar esta opción no momento de xustificación da subvención.

Porén, se as bases ou acordo de concesión para as subvencións nominativas non establecen esta modalidade, só en casos debidamente xustificadas e nos que se acredite problemas transitorios de liquidez, esta poderá solicitar o pago delegado que en todo caso deberá ser resolto expresamente polo órgano concedente.

c) O prazo de xustificación virá determinado polas bases reguladoras da convocatoria específica ou no caso de subvencións nominativas, no convenio de colaboración que se asine ou na resolución do órgano concedente. Este prazo será, salvo nos casos debidamente motivados, o 1 de novembro do ano da concesión.

d) Someterse ás actuacións de comprobación polo órgano concedente, así como calquera outras de comprobación e control financeiro, aportando canta información lle sexa requerida no exercizo das actuacións anteriores.

e) Comunicar ao órgano concedente ou a entidade colaboradora a *obtención doutras subvencións*, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.

f) Acreditar con anterioridade ao libramento do fondos, que o beneficiario está ao corrente nas *obrigas tributarias coa Facenda e co Concello de Boiro e fronte á Seguridade Social*.

A tal efecto deberá presentarse certificación expedida pola Axencia Tributaria e pola Tesourería da Seguridade Social. No caso do Concello bastará cunha declaración xurada.

g) Dispor dos *libros contables*, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos sexan esixidos pola convocatoria da subvención, coa finalidade de garantir o adecuado exercizo das facultades de comprobación e control.

h) *Conservar os documentos xustificativos* da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

i) Dar *publicidade* do carácter público da financiamento da actividade, programa, investimento ou acción de calquera tipo obxecto da subvención, facendo constar o dito extremo na cartelería, trípticos e demais documentación divulgativa.

j) O requirido no artigo 31.3 da Lei Xeral de Subvenciones: cando o gasto subvencionado supera as contías do contrato menor (subministracións e servizos: 14.999,99 + IVE; e obras: 39.999,99 + IVE) a acreditación de que a entidade solicitara tres presupostos para a actividade subvencionada.

k) Se se trata dunha entidade con personalidade xurídica do termo municipal, deberase acreditarse a *inscrición no Rexistro Municipal de Entidades e Asociacións do Concello de Boiro*.

l) No caso de agrupacións de persoas físicas ou xurídicas, públicas ou privadas sen personalidade xurídica, (caso de Comisión de Festas....) deberá acompañarse expresamente no momento da xustificación:

- Relación detallada dos membros que constitúen dita agrupación.

- Relación detallada dos compromisos de execución asumidos por cada membro da agrupación, así como o importe de subvención a aplicar a cada un deles, que terá igualmente a consideración de beneficiarios. No caso de non especificarse esta circunstancia enteresase aplicada a partes iguais entre os membros declarados como integrantes da comisión.
- Asemade deberase nomear un representante ou apoderado único da agrupación, con poderes bastantes para cumprir as obrigas que, como beneficiario, corresponden á agrupación. Non poderá disolverse a agrupación ata que teñan transcorrido o prazo de prescrición previsto nos artigos 39 e 65 da Lei 38/2003, de 17 de novembro, Xeral de Subvencións.

ll) Presentación da *certificación bancaria* aos efectos de pagamento das subvencións ou indicación do expediente na que xa a teñen entregado anteriormente.

m) No caso das subvencións nominativas concederanse mediante decreto de Alcaldía, recolléndose as condicións e obrigas asumidas polas partes no convenio de colaboración que terá o contido mínimo establecido na normativa de aplicación.

No caso das subvencións por concorrencia será competencia da Xunta de Goberno Local en todas as súas fases.

n) O cumprimento de *todas as obrigas xenéricas e específicas* fixadas nas bases da concesión (de selo caso) e demais normas contidas no Regulamento Xeral de Subvencións do Concello.

4. EXCLUSIÓN E ÁMBITO DE APLICACIÓN.

Quedan excluídas do ámbito de aplicación da Lei Xeral de Subvencións e polo tanto das normas contidas na Ordenanza Xeral de Subvencións deste Concello:

- As aportacións dinerarias aos Organismos Autónomos ou outros entes públicos dependentes do Concello de Boiro, destinadas a financiar globalmente a actividade de cada ente no ámbito propio das súas competencias.
- As aportacións dinerarias que en concepto de cotas, tanto ordinarias como extraordinarias, realice o Concello de Boiro a favor das asociacións ás que pertenza, de ámbito estatal ou autónomo para a protección e promoción dos seus intereses comúns.
- Os premios que se outorguen sen previa solicitude do beneficiario.
- As aportacións aos grupos políticos que figuran no Orzamento.
- As emerxencias sociais ou outras axudas de carácter asistencial.

5. SUBVENCIONES POR CONCORRENCIA DO EXERCICIO 2023.

Con carácter xeral establécese o procedemento de concorrencia competitiva como a forma da concesión de calquera tipo de subvencions.

As subvencions por concorrencia do Orzamento 2023 son as seguintes:

APLICACIÓN	TEXTO	IMPORTE
326 48000	Bolsas estudantes	8.000,00
341 48000	Concorrencia competitiva deportistas federados	9.750,00
341 48001	Concorrencia competitiva deporte federado	63.050,00

6. SUBVENCIONES NOMINATIVAS.

Facendo uso da potestade recollida no artigo 22.2 a) da lei 38/2003 de 17 de novembro con carácter extraordinario, fíxanse as seguintes subvencions nominativas para o exercicio de 2023:

SUBVENCIÓN NOMINATIVA	IMPORTE
Subvención nominativa. Mulleres Salgadas: programas e actividades ambientais, de formación e sensibilización.	3.500,00
Subvención nominativa. Foro ecolóxico de Boiro: gastos derivados da realización de programas e actividades ambientais e socioeducativos.	1.500,00
Subvención nominativa. ASOCIACIÓN POR SALUD MENTAL A CREBA: uso e mantemento vehículo de transporte e outros gastos correntes	1.000,00
Subvención nominativa. RENACER Ribeira: execución do programa de prevención de condutas aditivas e promoción da saúde nos centros de ensino de Boiro	1.000,00
Subvención nominativa. AMBAR. Gastos correntes: mantemento, combustibles, aloxamento, desprazamentos.	4.000,00
Subvención nominativa. AMICOS. Actividades de inclusión; outros gastos correntes	3.000,00
Subvención nominativa. CÁRITAS DIOCESANAS DE SANTIAGO. DELEGACIÓN DE BOIRO. actuacións de acción social adicadas ás necesidades básicas	8.000,00
Subvención nominativa. CRUZ VERMELLA ESPAÑOLA. ASAMBLEA DE BOIRO. Talleres de adestramento de memoria e	17.000,00

do programa de acompañamento social e telefónico	
Subvención nominativa. CRUZ VERMELLA ESPAÑOLA. ASAMBLEA DE BOIRO. Programa de intervención social da infancia en dificultade social	5.500,00
Subvención nominativa. CRUZ VERMELLA ESPAÑOLA. ASAMBLEA DE BOIRO. Programa de intervención coa mocidade	2.000,00
Subvención nominativa. CRUZ VERMELLA ESPAÑOLA. ASAMBLEA DE BOIRO. Programa de biosaúde: paseos saudables	2.500,00
Subvención nominativa. AGADEA: Actividades de memoria e de traballo na dependencia, demencia e alzheimer. Gastos derivados do transporte dos usuarios, de persoal de material de realización das actividades.	1.000,00
Subvención nominativa. CALLEJEROS. Gastos correntes derivados da actividade veterinaria e da propia entidade (xestión da web, publicidade...)	1.500,00
Subvención nominativa. ASOCIACIÓN CULTURAL OLLOBOI. Organización do festival audiovisual Olloboi 2023.	10.000,00
Subvención nominativa ABANQUEIRO S.D.: arbitrxes, material, desprazamentos, etc	2.900,00
Subvención nominativa CLUB DEPORTIVO BOIRO: arbitrxes, material, desprazamentos, etc	23.400,00
Subvención nominativa CEIP DE ABANQUEIRO: material deportivo.	225,00
Subvención nominativa CEIP DE CESPÓN: material deportivo.	225,00
Subvención nominativa CEIP DE ESCARABOTE: material deportivo.	225,00
Subvención nominativa CEIP PRAIA XARDÍN: material deportivo.	375,00
Subvención nominativa CEIP SANTA BAIA: material deportivo.	450,00
Subvención nominativa CEIP STA. MARIA CASTRO: material deportivo.	225,00
Subvención nominativa CEIP DE PAZOS-COMOXO: material deportivo.	225,00
Subvención nominativa CLUB PIRAGÜISMO RIAS BAIXAS: arbitrxes, material, desprazamentos, etc	8.500,00
Subvención nominativa SPORTING LAMPÓN: arbitrxes, material, desprazamentos, etc	2.200,00

Subvención nominativa S.D. VALIÑO-CABO DE CRUZ: arbitrxes, material, desprazamentos, etc	2.200,00
Subvención nominativa CD GALICIA BEALO: arbitrxes, material, desprazamentos, etc	2.200,00
Subvención nominativa SD SAN ANDRÉS DE CURES: arbitrxes, material, desprazamentos, etc	2.200,00
Subvención nominativa CLUB TAEKWONDO SUH SPORT COMPETICIÓN: arbitrxes, material, desprazamentos, etc	8.000,00
Subvención nominativa CLUBE VOLEIBOL CABO DE CRUZ: arbitrxes, material, desprazamentos, etc	39.000,00
Subvención nominativa CLUB CICLISTA BARBANZA: arbitrxes, material, desprazamentos, etc	10.400,00
Subvención nominativa CLUB DE REMO CABO DE CRUZ: desprazamentos e aloxamento probas liga galega traíñas (masculina e feminina) e liga act.	19.500,00
Subvención nominativa CLUB DE REMO CABO DE CRUZ: desprazamentos e aloxamento LIGA EUSKOTREN (categoría feminina)	10.000,00
Subvención nominativa ESCOLA DE FÚTBOL MUNICIPAL CONCELLO DE BOIRO: arbitrxes, material, desprazamentos, etc	24.000,00
Subvención nominativa SOCIEDADE DEPORTIVA NATACIÓN BOIRO: arbitrxes, material, desprazamentos, etc	6.500,00
Subvención nominativa CLUB MALAMÍA: arbitrxes, material, desprazamentos, etc	1.500,00
Subvención nominativa CLUB DE PATINAXE BOIRO: arbitrxes, material, desprazamentos, etc	1.000,00
Subvención nominativa CLUB TENIS: arbitrxes, material, desprazamentos, etc	1.000,00
Subvención nominativa organización probas. CLUBE VOLEIBOL CABO DE CRUZ: Torneo Volei praia 2x2	1.000,00
Subvención nominativa organización probas. CLUB RUGBI BARBANZA: Torneo internacional rugby praia	1.200,00
Subvención nominativa organización probas. TRIBU TRAIL: proba deportiva Trial Vitres	1.500,00
Subvención nominativa organización probas. CLUB DE REMO CABO DE CRUZ: liga galega de Traíñas	7.000,00
Subvención nominativa organización probas. CLUB DE REMO	22.500,00

CABO DE CRUZ: liga ACT	
Subvención nominativa organización probas. CLUB BALONCESTO SANTA BAIA: Campeonato minibasket	2.000,00
Subvención nominativa organización probas. INTERNACIONAL TREKKERS BARBANZA SAR : 100 kms international trekkers	3.000,00
Subvención nominativa organización probas. SOCIEDAD DEPORTIVA BARBANTIA RODA: II carreira solidaria	300,00
Subvención nominativa organización probas. CLUB NATACION BOIRO: travesía a nado á Bensa	2.000,00
Subvención nominativa organización probas. CLUB PIRAGUISMO: campionato galego bargo dragón	2.000,00
Subvención nominativa organización probas. CLUB TORRADO TREUS, DEPORTES DE CONTACTO: I torneo boxeo memorial Luis Torrado	2.000,00
Subvención nominativa organización probas. CLUB ATLETAS CANINOS: proba deportiva iron dog (canicross)	1.000,00
Subvención nominativa organización probas. CLUB BALONCESTO SANTA BAIA. Proba deportiva liga nacional indor basket 3x3	2.000,00
Subvención nominativa. Deporte adaptado. GOMEZ VIDAL IRIA	300,00
Subvención nominativa. Deporte adaptado. CLUB SUH SPORT: Parataekwondo deportistas: Rodríguez Noya, Fernández Allo e Treus Redondo	1.000,00
Subvención nominativa eventos e campus. OBRADOIRO CAB SAD. Campus Obradoiro-CAB Barbanza	2.500,00
Subvención nominativa eventos e campus. CLUB TAEKWONDO SUH SPORT COMPETICIÓN. Campus Soño Olímpico	2.900,00
Subvención nominativa eventos e campus. CLUB MOTOCICLISTA BOIRO. Concentración moteira	3.000,00
Patrocinio deportivo. Subvención nominativa ao deportista de alto nivel. Diego Miguéns Sánchez	800,00
Subvención nominativa. ASOCIACIÓN BOIRENSE DE EMPRESARIOS. Subvención nominativa para actividades de promoción económica e comercial.	15.000,00
Subvención nominativa. ASOCIACIÓN BOIRENSE DE EMPRESARIOS. Subvención nominativa para sufragar os custos de persoal	15.000,00

As subvencións nominativas deberanse canalizar mediante un convenio de colaboración que se asinará co representante do club ou asociación, no que se establecerán as súas obrigas, a forma e prazo de xustificación, a forma de pago e outros aspectos de relevancia.

7. XUSTIFICACIÓN E ENTREGA DOS FONDOS.

Con carácter xeral todas as subvencións e axudas liberaranse unha vez acreditado e xustificado o cumprimento da totalidade dos requisitos esixidos.

Excepcionalmente e en casos puntuais e debidamente motivados poderase fixar entregas parciais da subvención, ben sexa por trimestres vencidos ou por fraccións. Neste caso deberase xustificar parcialmente a parte dos fondos que se pretenden liberar, e quedando condicionado o importe restante á acreditación do pago dos fondos liberados anteriormente. En todo caso terase como data límite para a xustificación dos fondos adiantados, o prazo de xustificación establecido nas bases reguladoras da subvención, no convenio ou, en defecto destes dous, no establecido presentes bases de execución do orzamento.

Se as bases ou o acordo de concesión nas nominativas o establecera, poderase admitir o pago delegado (pago dos gastos obxecto da subvención por parte do concello ao provedor) debendo indicar esta opción o interesado no momento da xustificación da subvención. En caso contrario, só de xeito excepcional se poderá admitir esta opción debendo en todo caso acreditar as dificultades que teña a entidade para adiantar estes fondos (problemas de liquidez...).

Finalmente, caberá establecer o carácter prepagable das axudas concedidas, naqueles supostos nos que concorran circunstancias relevantes que deberán quedar xustificadas no expediente. Nestes supostos poderase realizar unha retención dunha porcentaxe de axuda que quedará coma garantía do cumprimento das obrigas asumidas.

BASE 46. Responsabilidade e réxime sancionador das subvencións concedidas.

1. Constitúe infracción administrativa en materia de subvencións as accións ou omisións tipificadas na Lei 38/2003, de 17 de novembro, Xeral de Subvencións.

Destácase por ser a infracción máis habitual, que constitúe unha infracción leve o incumprimento do prazo de xustificación da axuda que levará parella unha sanción de entre 75 e 900 euros.

2. Serán responsables das infraccións administrativas en materia de subvencións as persoas físicas ou xurídicas, públicas ou privadas, así coma os entes sen personalidade aos que se refire o apartado 2 do artigo 11 da Lei

38/2003, de 17 de novembro, Xeral de Subvencións, que por acción ou omisión incorran nos supostos tipificados como infraccións na referida lei, e en particular, as seguintes:

- a. Os beneficiarios das subvencións.
- b. As entidades colaboradoras.
- c. O representante legal dos beneficiarios de subvencións que carezan de capacidade de obrar.
- d. As persoas ou entidades relacionadas co obxecto da subvención ou a súa xustificación, obrigadas a prestar colaboración e facilitar canta documentación sexa requirida.

3. As infraccións en materia de subvencións sancionaranse mediante a imposición de sancións pecuniarias e, cando proceda, de sancións non pecuniarias, e atenderán o regulado na Lei Xeral de Subvencións.

BASE 47. Reintegro de subvencións. Sancións.

1. Establece os seguintes supostos de reintegro:

- Nulidade ou anulabilidade do acto concesional por causas previstas na Lei 30/1992, de 26 de novembro (LRXPAC) ben declarada en vía xudicial ou administrativa implicando a obriga de devolución das cantidades percibidas.
- Falseamento das condicións requiridas para o outorgamento.
- Incumprimento total ou parcial do obxectivo.
- Falta ou insuficiencia de xustificación.
- Incumprimento de normas de publicidade a cargo do beneficiario.
- Resistencia, negativa, obstrución ás comprobacións materias, financeiras e incumprimentos graves das obrigas contables.
- Incumprimento de obrigas e compromisos relativos á actividade.
- Incumprimento relativos á aplicación de fondos e comprobacións.
- Calquera outro suposto previsto nas bases reguladoras da subvención.

2. Nos supostos sinalados no apartado anterior, o Concello esixirá ás persoas físicas ou xurídicas beneficiarias o reintegro das cantidades correspondentes, de acordo co seguinte procedemento administrativo.

- A iniciación do procedemento poderá ser de oficio, por orde superior, petición razoada doutro órgano ou por denuncia. A iniciación de oficio do expediente realizarase polo órgano outorgante, previo informe da unidade xestora correspondente, no que se acorde a apertura do expediente de reintegro da subvención.
- Notificación ás entidades ou particulares interesados de dita Resolución, coa apertura do trámite de audiencia de quince días, a fin de que efectúen as alegacións que consideren pertinentes ou procedan a emendar as deficiencias observadas, co apercibimento de que en caso de acordarse o reintegro da subvención, esixirase os xuros de mora desde o momento de pago da mesma, de acordo co previsto no artigo 81.9 do Real Decreto Legislativo 1091/1988, de 23 de setembro, polo que se aproba o Texto Refundido da Lei Xeral Orzamentaria.
- O órgano competente, unha vez resoltas as alegacións presentadas ou transcorrido o prazo sen que se presentaran as mesmas polos interesados, ditará Resolución acordando a procedencia ou non do reintegro e as demais actuacións que procedan.
- No caso de que se acorde o reintegro da subvención, as cantidades a reintegrar terán o tratamento de ingresos de Dereito Público, aplicándose para a súa cobranza a Lei Xeral Orzamentaria e devengarán os xuros de mora correspondente. O dereito a recoñecer e liquidar o reintegro prescribe aos 4 anos dende que vence o prazo de xustificación
- O prazo para resolver e a notificación da resolución será de 12 meses desde a data do acordo de iniciación, atendendo a suspensión e ampliación de prazos ao disposto na Lei 30/1992. A resolución porá fin á vía administrativa.

3. Estarán obrigados ao reintegro:

- Os beneficiarios e entidades colaboradoras.
- Solidariamente, os representantes legais do beneficiario cando este carecera de capacidade de obrar.
- Solidariamente, os membros asociados ao beneficiario.
- Subsidiariamente, os administradores de sociedades que non realicen actos necesarios.

- Sucesores de entidades disoltas, en proporción solidariamente ata o límite da cota de liquidación.
- Sucesores mortis causa, transmisión da débeda salvo beneficio de inventario.

4. O disposto na presente Base enténdese sen prexuízo do réxime sancionador establecido no apartado B) da presenta Base.

(...)

O alcalde,

José Ramón Romero García

Asinado dixitalmente á marxe